

थारी नगरी में साँवरिया

थारी नगरी में साँवरिया,
नाँचू दोनू आँख्या मीच,
ओ दोनू आँख्या मीच,
साँवरा दोनू आँख्या मीच,

थारी नगरी में साँवरिया,
नाँचू दोनू आँख्या मीच ॥
बिन दर्शन मनड़ो नहीं माने,
जी भर मायो म्हारो क्याने,

नैण नचावे छाने छाने,
अण समझी मैं लई रे कन्हैया,
बेल प्रीत की सींच ।
ओ थारी नगरी मे साँवरिया,

नाँचू दोनू आँख्या मीच ॥
थारे से भीतर लो मिलगयो,
चाण चुकी चुपके स हिलगयो,
लटक देख मेरो मन खिलगयो,

घणी दूर से आयो हूँ प्रभु,
क्यां की खिंचम खींच ।

ओ थारी नगरी मे साँवरिया,
नाँचू दोनू आँख्या मीच ॥

मैं नाचूं मेरो मनड़ो नाचे,
संसारी सब थाने जांचे,
रेख नसीबा की कुण बांचे,
सूरत सुहागण नाचे थारे,

मन्दिरियाँ के बीच ।
थारी नगरी मे साँवरिया,
नाँचू दोनू आँख्या मीच ॥
'श्याम बहादुर' थे मनगरिया,

'शिव' के तो थारा ही जरिया,
याँदा में दोऊं नैना झरिया,
मोड़ घणां बैकुंठ सांकड़ी,
मांची भिचम भीच ।

ओ थारी नगरी मे साँवरिया,
नाँचू दोनू आँख्या मीच ॥
थारी नगरी में साँवरिया,
नाँचू दोनू आँख्या मीच,

ओ दोनू आँख्या मीच,
साँवरा दोनू आँख्या मीच,
थारी नगरी में साँवरिया,
नाँचू दोनू आँख्या मीच ॥

Source:

<https://www.bharattemples.com/thari-nagari-me-sanwariyan-nachu-donu-ankhiya->

[meech/](#)



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>